

## **Еуразиялық экономикалық қоғамдастыққа мүше мемлекеттердің Бағалы қағаздар рыногындағы ынтымақтастығы туралы келісімге қол қою туралы**

Қазақстан Республикасы Президентінің 2004 жылғы 16 маусымдағы N 1395 Жарлығы.

Қаулы етемін:

1. Еуразиялық экономикалық қоғамдастыққа мүше мемлекеттердің Бағалы қағаздар рыногындағы ынтымақтастығы туралы келісімнің жобасы мақұлданын.

2. Еуразиялық экономикалық қоғамдастыққа мүше мемлекеттердің Бағалы қағаздар рыногындағы ынтымақтастығы туралы келісімге қол қойылсын.

3. Осы Жарлық қол қойылған күнінен бастан күшіне енеді.

Қ а з а қ с т а н  
Президенті

Р е с п у б л и к а с ы н ы ң

Жоба

## **Еуразиялық экономикалық қоғамдастыққа мүше мемлекеттердің Бағалы қағаздар рыногындағы ынтымақтастығы туралы Келісім**

Бұдан әрі Тараптар деп аталатын Еуразиялық экономикалық қоғамдастыққа мүше мемлекеттер,

Еуразиялық экономикалық қоғамдастықты құру туралы 2000 жылғы 10 қазандағы шартты басшылыққа ала отырып,

Еуразиялық экономикалық қоғамдастықтың мақсаттары мен міндеттерін іске асыра отырып,

бағалы қағаздар эмиссиясы мен айналысының бірыңғай тәртібін, бағалы қағаздар рыногында кәсіби қызметті жүзеге асырудың бірыңғай тәртібін, Еуразиялық экономикалық қоғамдастық шеңберінде инвесторлардың құқықтарын қорғау мен қамтамасыз етудің бірыңғай принциптерін жасау қажеттілігін сезіне отырып,

Тараптардың экономикалық әлеуетінің өсуіне қолдау көрсетуге ұмтыла отырып, мына төмендегілер туралы келісті:

### **1-бап**

Осы Келісімнің мақсаттары бірыңғай мемлекетаралық бағалы қағаздар рыногын құру, Еуразиялық экономикалық қоғамдастық шеңберінде мемлекетаралық бағалы қағаздар рыногы инвесторларының мүдделерін қорғау жөніндегі шараларды әзірлеу

мен қабылдау, мемлекетаралық бағалы қағаздар рыногы туралы ақпараттық деректер базасын құру және оны Тараптардың тең құқылы қол жеткізуін пайдалануын қамтамасыз ету болып табылады.

Бұл ретте мемлекетаралық бағалы қағаздар рыногы деп жұмыс істеу мен мемлекеттік реттеудің ортақ принциптерімен біріккен Тараптардың бағалы қағаздар рыноктарының жиынтығы түсініледі.

## **2-бап**

Бағалы қағаздардың шығарылымдарын және шығарылым қорытындылары туралы есептерді мемлекеттік тіркеу бағалы қағаздар орналастырылатын әрі айналыста болатын аумақта Тараптың заңнамасында белгіленген тәртіппен жүзеге асырылады.

## **3-бап**

Мемлекетаралық бағалы қағаздар рыногына қатысушылар әрбір Тараптың заңнамасына сәйкес айқындалған бағалы қағаздардың эмитенттері, инвесторлар, бағалы қағаздар рыногының кәсіби қатысушылары болып табылады.

## **4-бап**

Бағалы қағаздардың эмитенті резидент болып табылатын Тараптың аумағынан тыс бағалы қағаздарды орналастыруға әрі айналысқа жіберуге рұқсат беру осы Тараптың заңнамасына сәйкес жүзеге асырылады.

Эмитенті резидент еместер болып табылатын бағалы қағаздарды кез келген Тараптың аумағында орналастыруға әрі айналысқа жіберуге рұқсат беру аумағында бағалы қағаздар орналастырылатын әрі айналыста болатын Тараптың заңнамасына сәйкес жүзеге асырылады.

Бұл ретте "резидент" және "резидент емес" деген ұғымдар әрбір Тараптың заңнамасына сәйкес айқындалады.

## **5-бап**

Бағалы қағаздар рыногындағы кәсіби қызмет аумағында осындай қызмет жүзеге асырылатын Тараптың заңнамасына сәйкес жүзеге асырылады.

## **6-бап**

Мемлекетаралық бағалы қағаздар рыногындағы мәмілелер аумағында жасалатын Тараптың заңнамасына сәйкес жүзеге асырылады.

Мемлекетаралық бағалы қағаздар рыногында бағалы қағаздармен жасалатын мәмілелер бойынша есеп айырысулар аумағында осы мәмілелер жасалатын Тарап заңнамасының талаптарын ескере отырып мемлекетаралық бағалы қағаздар рыногына қатысушылардың келісімі бойынша айқындалады.

## **7-бап**

Тараптардың әрқайсысы өзінің бағалы қағаздар рыногында басқа Тараптың резиденттеріне барынша қолайлы режимді ұсынады.

## **8-бап**

Тараптар:

1) мынадай:

бағалы қағаздардың эмиссиясын реттейтін;

резиденттердің бағалы қағаздарын басқа Тараптың аумағында орналастыруға әрі айналысқа жіберуге рұқсат беруді реттейтін;

резидент еместердің бағалы қағаздарын орналастыруға әрі айналысқа жіберуге рұқсат беруді реттейтін;

бағалы қағаздар рыногының кәсіби қатысушыларының және ұжымдық инвестициялар институтының қызметін реттейтін;

бұл ретте ұжымдық инвестициялар институты деп инвестициялық қорлар, мемлекеттік емес зейнетақы қорлары, инвестициялық қорлар мен мемлекеттік емес зейнетақы қорларының басқарушы компанияларын және мамандандырылған депозитарийлері, сондай-ақ әрбір Тараптың заңнамасына сәйкес ұжымдық инвестициялар институтына жататын өзге де ұйымдар деп түсініледі;

бағалы қағаздар рыногының кәсіби қатысушыларының және ұжымдық инвестициялар институтының мамандарына қойылатын біліктілік талаптарын белгілейтін;

бағалы қағаздар рыногында мәмілелердің жасалуына қойылатын талаптарды белгілейтін;

бағалы қағаздар рыногында ақпаратты жария етуді реттейтін заңнаманы үйлестіру жөнінде;

2) корпоративтік мінез-құлық кодекстерін үйлестіру жөнінде;

3) бағалы қағаздар рыногында бақылау жасауға бірыңғай көзқарасты тұжырымдау жөнінде шараларды қолға алуға міндеттенеді.

## **9-бап**

Еуразиялық экономикалық қоғамдастықтың Интеграциялық комитеті Тараптардың бағалы қағаздар рыноктары туралы ақпараттық деректер базасын қалыптастырады.

Тараптар өздерінің заңнамасына сәйкес Еуразиялық экономикалық қоғамдастықтың Интеграциялық комитетіне өздерінің бағалы қағаздар рыноктарына қатысты мәліметтерді ұсынуға міндеттенеді.

## **10-бап**

Тараптар бағалы қағаздар рыноктарын реттеу жөніндегі өздерінің уәкілетті органдарына мемлекетаралық бағалы қағаздар рыногында бақылау жасау үшін қажетті ақпаратпен тұрақты негізде алмасуды тапсырады.

Тараптар осы Келісімнің негізінде мұндай мәліметтерді берген Тараптың жазбаша келісімінсіз Тараптардың біреуінен алынған мәліметтерді үшінші тарапқа бермеуге міндеттенеді.

## **11-бап**

Осы Келісімді іске асыру жөніндегі жұмысты үйлестіру Еуразиялық экономикалық қоғамдастықтың Интеграциялық комитетінің 2002 жылғы 29 қарашадағы N 159 шешіміне сәйкес құрылған Еуразиялық экономикалық қоғамдастықтың Интеграциялық комитетінің жанындағы Бағалы қағаздар рыноктарын реттеу жөніндегі уәкілетті органдар басшыларының кеңесіне жүктеледі.

## **12-бап**

Осы Келісім Еуразиялық экономикалық қоғамдастықтың мүшесі болып қабылданған кез келген мемлекеттің оған қосылуы үшін ашық.

Осы Келісімге қосылу туралы құжат Еуразиялық экономикалық қоғамдастықтың Интеграциялық комитеті болып табылатын депозитарийге сақтауға тапсырылады.

Қосылған мемлекеттерге қатысты осы Келісім депозитарий қосылу туралы құжатты алған күнінен бастап күшіне енеді.

## **13-бап**

Тараптардың уағдаласуы бойынша осы Келісімге оның ажырамас бөлігі болып табылатын жекелеген хаттамалармен ресімделетін өзгерістер мен толықтырулар енгізілуі мүмкін.

## **14-бап**

Осы Келісімді қолдануға немесе түсіндіруге байланысты даулар мүдделі Тараптардың консультациялары мен келіссөздері арқылы шешіледі.

## 15-бап

Осы Келісім бес жыл мерзімге жасалады және егер Тараптардың бірде-бірі кезекті бесжылдық кезең аяқталғанға дейін кемінде алты ай бұрын депозитарийге өзінің оның қолданылуын тоқтату ниеті туралы жазбаша хабарламаны жібермесе, келесі бесжылдық кезеңдерге ұзартылады.

## 16-бап

Осы Келісім оған қол қойған Тараптар қажетті мемлекетшілік рәсімдерді орындағаны туралы соңғы хабарлама депозитарийдің сақтауына тапсырылған күнінен бастап күшіне енеді.

Тараптардың әрқайсысы депозитарийге бұл туралы шыққанға дейін кемінде алты ай бұрын жазбаша хабарламаны жібере отырып, осы Келісімнен шыға алады.

Осы Келісім Тараптардың осы Келісіммен қамтылатын мәселелерге қатысты қолданылып жүрген халықаралық шарттар бойынша немесе осы Келісімнің мәні мен мақсаттарына сәйкес жасалуы мүмкін халықаралық шарттар бойынша өзара құқықтары мен міндеттемелерін қозғамайды.

200\_\_ ж. " \_\_ " \_\_\_\_\_ қаласында бір түпнұсқа данада орыс тілінде жасалды.

Беларусь Республикасы үшін

Қазақстан Республикасы үшін

Қырғыз Республикасы үшін

Ресей Федерациясы үшін

Тәжікстан Республикасы үшін